

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia Iragarkiak

BIDE AZPIEGITUREN ETA MUGIKORTASUNAREN SAILA

“Mugaiturri iturburuko ura Zalduondon (Araba) dagoen edateko ura erregulatzeko andelera bulkatzeko proiektua”k eragindako ondasun eta eskubideak behin betiko onartzea eta apaitutako proiektuak ukitutako ondasun eta eskubideen titularrei dei egitea okupazioaren aurreko aktak, okupazio aktak eta balio justua ezartzearen aktak egiteko egintzara

Foru Gobernu Kontseiluak, 2019ko urriaren 15ean egindako bilkuran, 648/2019 Erabakia onartu du. Hona hemen horren testua:

“Mugaiturri iturburuko ura Zalduondon (Araba) dagoen edateko ura erregulatzeko andelera bulkatzeko proiektua” jendurrean jartzeko izapidetan aurkeztutako alegazioei erantzutea. Desjabetzeak eragindako ondasun eta eskubideen behin betiko zerrenda onestea. Okupatzeko beharra aitortzea. Presako prozedura. Kreditua atxikitzea.

Foru Gobernu Kontseiluaren apirilaren 17ko 285/2019 Erabakiaren bidez, behin betiko onetsi zen “Mugaiturri iturburuko ura Zalduondon (Araba) dagoen edateko ura erregulatzeko andelera bulkatzeko proiektua” eta hasierako onespina eman zitzaion proiektu horrek eragindako ondasun eta eskubideak banan-banan eta modu zehaztuan jasotzen dituen zerrendari, eta jendurrean jarri zen.

Proiektua jendurrean egon den aldia alegazio idazki tekniko bat aurkeztu da espedientean identifikaturiko 3/000 finkari lotuta. Ingurumen Kalitatearen Zerbitzuak horren gaineko txostena egin du, eta Ingurumen eta Hirigintza Zuzendaritzak idazki hori onetsi du, eta bere egin du Gobernu Kontseilu honek. Hura da erabaki honen oinarria eta arrazoiketa, eta alegazio egileari igorriko zaio, aurkeztutako alegazioa baietsi edo ezetsi izana arrazoitzeko.

Alegazioei erantzunda, proiektuak eragindako ondasun eta eskubideen hasierako zerrenda behin betiko onetsi behar da, eta haiek okupatu eta eskuratu beharra aitortu, desjabetu eta aldi batez okupatzeko, eta zortasunak ezarri, aldatu edo amaitzeko.

Abenduaren 23ko 3376/1971 Dekretuaren artikulua bakarrean xedatzen da ezen herriak hornitzeko urak edateko gai bihurtzeko obrak presakotzat aitortuko direla, Nahitaezko Desjabetzeari buruzko Legearen 52. artikulua onorioetarako. Hori dela eta, ulertzen da proiektu honek dakarren jardunak berekin dakarrela okupatzeko premia, eta desjabetze espedientea Nahitaezko Desjabetzeari buruzko Legearen xedatutako presako prozeduraren bidez izapidetu ahal da.

Arabako Foru Aldundiak eskumena dauka proiektuaren xede den herrilana proiektatu eta gauzatzeko, Toki Araubidearen Oinarrien apirilaren 2ko 7/1985 Legearen 36. artikuluan eta Toki araubidearen arloan indarrean dauden lege xedapenen testu bateratua onesten duen apirilaren 18ko 781/1986 Legegintzako Errege Dekretuaren 30.1 eta 6.e) artikuluetan xedatutakoaren ondorioz. Eskumen horiek baliatzeko, Foru Aldundiak desjabetu beharreko ondasun eta eskubideak desjabetu ahal izango ditu, halaxe xedatzen baitu Nahitaezko Desjabetzeari buruzko 1954ko abenduaren 16ko Legeak 2.1 artikuluan.

Proiektuek berekin dakartenean onura publikoaren aitortzea egin beharra desjabetzeak gauzatzeko eta desjabetzeak eragindako eskubide eta ondasunen behin betiko zerrendak egiteko, erakunde honen barnean, Foru Gobernu Kontseilua da proiektuak onesteko eskumena duen organoa, hala xedatzen baitu Arabako Foru Aldundiaren antolaketa, funtzionamendu eta araubide juridikoaren abenduaren 18ko 52/1992 Foru Arauak 8.26) artikuluan eta Arabako Lurralde Historikoko sektore publikoaren gardentasun, herritarren parte hartze eta gobernu onaren otsailaren 8ko 1/2017 Foru Arauak laugarren xedapen gehigarrian.

Finantza eta Aurrekontu Zuzendaritzak emandako txostena aztertu da, non behar den kreditua badagoela jaso den.

Horregatik, Bide Azpiegituren eta Mugikortasunaren Saileko eta Ingurumen eta Hirigintza Saileko foru diputatuen proposamenez, eta Foru Gobernu Kontseiluak gaur bertan egindako bilkuran gaia aztertu ondoren,

ERABAKITZEN DUT

Lehenengoa. "Mugaiturri iturburuko ura Zaldudon (Araba) dagoen edateko ura erregulatzeko andelera bulkatzeko proiektua" jendaurrean jartzeko izapidean aurkeztutako alegazioei erantzutea, eta Ingurumen Kalitatearen Zerbitzuak egindako txostenaren arabera baiestea edo ezestea.

Bigarrena. Behin betiko onestea eragindako ondasun eta eskubideen zerrenda, honekin batera doan eranskinean jasorikoa.

Hirugarrena. Ondasun eta eskubide horiek okupatu eta eskuratzeko beharra aitortzea, desjabetu, aldi batez okupatu eta zortasunak ezarri, aldatu edo amaitzeko.

Laugarrena. Nahitaezko Desjabetzeari buruzko Legearen 52. artikuluan araututako presako prozeduraz izapidetzea desjabetze espedientea.

Bosgarrena. 8.123,57 euroko kreditu atxikipena egitea, Arabako Foru Aldundiaren 2018ko aurrekontu 2019rako luzatuaren 50106.5300.6000004 "Desjabetze hidraulikoak" partidaren kontura (xedapen erreferentzia: 105-4519/000.19.5.19), eragindako ondasun eta eskubideen balio justua dela eta ordaindu beharreko zenbatekoei aurre egiteko.

Seigarrena. Finantza eta Aurrekontu Zuzendaritzak eranskinean jasotzen diren finkei dagokien balio justuaren zenbatekoa ordain dezala, Desjabetzapen Atalaren buruak balio justua ordaintzeko proposamen txostena aurkeztu eta gero. Ordainketa hori lehen aipatutako xedapenaren lerro eta erreferenziaren kontura egingo da, legeak ezarritako epean.

Zazpigarrena. Bide Azpiegituren eta Mugikortasunaren Saileko foru diputatuari ahalmena ematea, proiektu hau gauzatzeko beharrezkoak diren azalera handitzeak eta aldaketak egin ahal izan ditzan, kontuan izanda zein muga ezartzen duen Arabako Lurralde Historikoaren 2018rako aurrekontua gauzatzeari buruzko abenduaren 22ko 21/2017 Foru Arauak 16.1.a) artikuluan."

Horren berri ematen da interesdunak jakinaren gainean jartzeko eta dagozkion ondorioak izan ditzan, eta jakinarazten da egintza honek administrazio bideari amaiera ematen diola, eta haren aurka administrazioarekiko auzi errekurtsioa jarri ahal izango dela Euskal Autonomia Erkidegoko Auzitegi Nagusiko administrazioarekiko auzien salan, argitaratu edo, hala badagokio, jakinarazi eta hurrengo egunetik kontatzen hasita bi hilabeteko epean.

Hala ere, nahi izanez gero, lehenago berraztertze errekurtsioa aurkeztu ahal izango zaio egintza hau agindu duen erakunde berari. Horretarako, hilabete izango da aurkatutako egintza argitaratu edo, hala badagokio, jakinarazi eta hurrengo egunetik aurrera. Hala eginez gero, ezingo da aurkeztu administrazioarekiko auzi errekurtsorik, harik eta aurkeztutako berraztertze errekurtsioaz ebazpen espresa eman edo ustezko ezespina gertatu arte (Urriaren 1eko 39/2015 Legearen, administrazio publikoen administrazio prozedura erkidearenaren, 123. eta 124. artikulua).

Halaber, dei egiten zaie honi erantsitako agirian ageri diren titularrei, Zaldudoko Udaltehetako lokaletan ager daitezen, bertan jasotako egunean eta orduan, finkak okupatu ahal izateko, okupazioaren aurreko gordailua eta azkar okupatzeagatiko kalte-ordainaren kopuruak aurretik eskeiniz.

Kontzeptu horien zenbatekoa jaso nahi izanez gero, zeina behin betiko prezio justuaren kontura den, ondoko hauek aurkeztu beharko dira: eskubidea egiaztatzen duten tituluak, nortasun agiri nazionala eta ahalorde askietsia, legezko ordezkariak agertzen badira akten ekitaldira.

Ez badira onartu nahi eskainitako zenbatekoak edo ezin bada modu frogagarrian egiaztatu desjabetutako ondasunaren titulartasuna edo zein nortasunekin agertzen den, diru kopuru horiek Arabako Foru Aldundiko gordailu kutxan kontsignatuko dira, Nahitaezko Desjabetzapenari buruzko Legearen Arautegiak 58-1. artikuluan jasotakoarekin bat etorritz.

Vitoria-Gasteiz, 2019ko urriaren 17a

Bide Azpiegituren zuzendaria
CARLOS IBARLUCEA MARTÍNEZ

INGATUBER FURBIKUKURA ZALDUONDON (ARBA) DAGON ERATEKO ANBELEA BULKATZESKO PROIEKTUA
 PROYECTO DE IMPLANTACION DE AGUA DEL MANANTIAL MUGATUBERRI AL DEPÓSITO REGULADOR DE AGUA POTABLE DE ZALDUONDO (ÁLAVA)

Esp. E. g. 19/16

FINAREN ZK.	TITULARAREN IZENA	KATASTROKO DATUAK		UDALERRIA	APROBETXAMENDUA	ERAGINDAKO ONDASUNA	BEHIN-BETIKOA	ERAGINDAKO AZALERA (m ²)		EGUNA	ORDUA
		POLIGONO	LURZATIA					ALDI BATERAKOAZ	ZORTASUNA (m ²) = Urduriazalera (m ²) + Lurrazalera (m ²)		
Nº FINCA	NOMBRE DEL TITULAR	DATOS CATASTRALES		TERMINO MUNICIPAL	APROVECHAMIENTO	BEN AFECTADO	SUPERFICIE AFECTADA	SERVIDUMBRE		DÍA	HORA
3/000	PURIFICACION RIBAGUJA SAIZ DE MANLARES	1	324	ZALDUONDO	LABORE IRETTAUA / TIERRA DE LABOR REGAIO		8	2.098	543 543	14/11/19	10:00
2/000	J. ELLURE RUIZ CHASCO M. BLANCA RUIZ CHASCO	1	312	ZALDUONDO	LABORE IRETTAUA / TIERRA DE LABOR REGAIO		4	1.470	382 382	14/11/19	10:45
1/000	AYUNTAMIENTO DE ZALDUONDO	1	487	ZALDUONDO	MENDA / MONTE		25	84	20	14/11/19	12:00
4/000	AYUNTAMIENTO DE ZALDUONDO	1	177	ZALDUONDO	ETZEA / ERIAL		4	133	30 30	14/11/19	12:00
5/000	AYUNTAMIENTO DE ZALDUONDO	1	172	ZALDUONDO	LARREA / PASTIZAL		8	1.416	364 364	14/11/19	12:00